



22. Juli 2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1) **Naalackersuisut nuna tamakkerlugu illunik titartaasarneq pillugu politikkeqarnissamut pilersaaruteqarpat?**¹
- 2) **Taamaappat, nanu tamakkerlugu illunik titartaasarneq pillugu politikkiornissaq qanoq akeqassava?**

(Inatsisartunut ilaasortaq Najaaraq Møller, Siumut)

Tungavilersuut:

Assersuutigalugu Nuummi attaveqaasersuineq illuliat aqquserngillu eqqarsaatigalugit tamakkiisumik inissisimangilaq. Taassuma saniatigut illut portusuut inuit tungaanniit pissutsit eqqarsaatigineqaratik sanaartorneqarput, assersuutigalugu illut qanoq qanitsiginersut, sumi inissisimanersut kusanassusaat il.il. Soorlu qallunaat pilersaarutaanni nassuiaateqarfigineqartoq, illunik titartaasarneq pitsaasoq tassaavoq inunnut taakkuninnga avatangiiseqartunut aamma pitsaasoq. Illunik titartaasarneq pitsaasoq inuit attassisinnaanerannut toqqissisimanartunik tulluarsakkanillu sinaakkusiisuvoq, inunnut ataasiakkaanut ataatsimoortunullu. Naak issittumi pissutsinut tulluussarinernik suliaqartuartunik illunik titartaasartunik pitsaasunik peqaraluarluta issittumilu ingenørinngorniarfeqaraluarluta suli nunanut sanilerisatsinnut isumassarsianik ilutsinillu pissarsisarpugut. Nunaqarfigut illoqarfigullu piffinni amerlasuuni aserfallakkiartorfiupput, inuit kusanartunik isigisaqarniartussaagaluartut alianartunik, eqiasunnermik nakerinninnginnermillu isigisaqalersimallutik. Taamaattumik nuna tamakkerlugu illunik titartaasarneq pillugu politikkeqarneq innuttaasunik peqataatitsinerulersinnaavoq, nutaaliornermik pilersitsissalluni minnerunngitsumillu ataatsimuussusermik misigilersitsissalluni tamatta pisariaqartitatsinnik.

Apeqqutigineqartut ullut suliffiusut qulit iluanni akeqquneqarput.

¹ [arkitekturpolitik - mennesker i centrum.pdf \(regeringen.dk\)](https://www.regeringen.dk/arkitekturpolitik-mennesker-i-centrum.pdf)